



Universitätsbibliothek Paderborn

Svmmae Virtvtvm, Ac Vitiorvm , Tomus ...

Guilelmus <Peraldus>

Lvgdvni, 1585

De luctu & eius descriptione, de speciebus luctus, & quare lugentes sint
beati: vbi tangitur de his quæ ad commendationem lacrymarum pertinent,
de impedimentis etiam lachrymarum, & cui dono luctus ...

[urn:nbn:de:hbz:466:1-46132](https://nbn-resolving.de/urn:nbn:de:hbz:466:1-46132)

690
Dei est iugum Dei suave & onus leue. De quo legitur Matth. 11.
Qui mansuetus gratis se inclinat & superponit, sicut mansuetus
aliud abiicit. Vnde qui mansuetus est pius est.

*De luctu & eius descriptione, de speciebus luctus, & quare lugen-
tes sint beati: vbi tangitur de his que ad commendationem lacry-
marum pertinent, de impedimentis etiam lacrymarum, & cui
dono luctus adaptetur.*

P A R S . V I I.

Post paupertatem spiritus & mansuetudinem, dicendum est de luctu. Cum enim terreneitas vix ad plenum a corde amoueat, tamen quillitas autem mansuetudinis saepe corrumpatur, necessarius est, luctus, ut aqua lacrymarum terreneitas perfecte expellatur. Iobli. 14. Lapides excavat aquam, & alluvione paulatim terra consumitor. Et ut incendia irae aqua lacrymarum perfecte extinguantur. Prout luctu vero hoc modo dicitur. Primo ostenderur quid sit luctus, prout beatitudo dicitur. Secundo distinguuntur diversae species luctus, ut manifestum fiat cui luctui consolatio debeatur. Tertio, ostenderut quomodo lugentes sint beati: vbi tagetur de his que pertinent ad commendationem luctus seu lacrymarum. Quarto, dicetur de impedimentis lacrymarum. Quinto, quod donum appetit huic beatitudini. Circa primum notandum, q. luctus prout sumitur pro beatitudine, est gratia vehementer dolendi de malo quod accedit, vel de bono quod deficit. Luctus vero sic sumptus non est in iis qui adhuc sunt in peccatis suis. Greg. in Moral. Nisi a causa culpae quo nos ligauimus, misericorditer dimittitur, perfecte fere non possumus, quod in nobisipsis contra nosmetiplos dolamus. Malum vero in descriptione posita intelligas, non id quod mundus vocat malum, scilicet peccatum temporale quae medicinalis est: sed quod vere malum est, scilicet malum culpe, & peccatum fururam quae eius est sequela. Bonum etiam non intelligas bonum periculorum, vt est pecunia: sed verum bonum, scilicet bonum gratiae vel gloriae. Dolor huiusmodi signum est salutis. Grego. in Moral. Argumentum salutis est vis doloris.

De iugibus luctus.

Circa secundum notandum q. super Matth. 5. distinguit glo. duas species luctus. Prior est, luctus pro peccatis, vel suis vel alienis. Secundus est, ex desiderio celestis patriae. Prior est irriguum inferiorius, secundus irriguum superiorius. De quibus legitur Ios. 15. & Iud. 1. Ille lauat praesentes sortes: hic vero accedit acrius aeternorum amatores: vt dicit gl. super Mat. 5. Aliqui etiam distinguunt quatuor species luctus. Primus luctus est luctus pro propriis peccatis. De quo in Psal. Exitus aquarum deduxerunt oculi mei &c. Secundus est luctus

luctus pro alienis peccatis. Ier. 9. Quis dabit capiti meo aquam, & oculis meis fonte lacrymarum, & plorabo die ac nocte interfectos filia populi mei? Tertius est, pro incolatu presentis misericordie. David: Heu mihi quia incolatus meus prologatus est. Quartus, pro dilectione patriæ. In Psa. Super flumina Babylonis illic sedimus & fluimus &c. Haec quatuor species luctus sunt velut quatuor hydriæ, quas iussit Elias impleri aqua, & effundi super holocausta: quæ effusionem ignis cœlestis subsecutus est. 3. Reg. 18. Possunt etiam distingui sex species luctus, quarum prima est ex consideratione diuinæ offensæ vel contumelie. Secunda est, ex consideratione gehennæ. Greg. Super Iob: Super omnia prævisio inferni cōpunctionē prouocat. Tertia est, ex consideratione alienæ miseriae. Ad Rom. 12. Flere cum flentibus, gaudere cum gaudientibus &c. Quarta est, ex præsenti affectione. Thren. 1. Plorans plorauit in nocte. Quinta, pro spirituali absentia sponsi. Matth. 9. Non possunt filii sponsi lugere quandiu est sponsus cum eis &c. Sexta pro dilectione patriæ. Hæc sex species sunt velut sex hydriæ, quas dominus iubet aqua impleri. Io. 1. Potest tamen poni divisione luctus generalior, ut distinguamus luctum in luctu malum, & in luctu bonum, & luctum indifferentem. Luctus malus est, ut luctus cupiditatis. De quo dictum est: Ploratur lacrymis amissâ pecunia veris. Vel luctus deceptionis. De quo poëta. Ut fleret oculos erudiere suos. Vel luctus inordinatae compassionis. De quo August. in primo lib. Confessionum: Cogebat, inquit, placare Didonem mortuam, quæ se occidit ob amorem, quem interea melipsum in iis à te morientem Deus vita mea siccis ferrem oculis miserimus. Quid enim miserius misero non miserante seipsum? Vel luctus æternæ damnationis. Matth. 8. Ibi erit flatus, & stridor dentium. Idem eiusdem 13. & 22. & 24. & 25. Et Luc. 13. Pro. 14. Extrema gaudij luctus occupat. Et notandum quod idem faciunt prudentes & imprudentes. Sed imprudentes illud non faciunt tempore opportuno. Ecclesia. 20. Imprudens non seruabit temporæ. Senec. De negligentibus facere quod faciendum est, tunc lacrymæ nihil profuturæ cadunt. Plorabunt fatui sicut hic sapientes plorant: sed tunc plorabunt, quando lacrymæ erunt eis inutiles. Si non plorarent damnati, nisi lacrymain vnam corporalem singulis diebus quibus erunt in inferno, plus plorarent quam sint aquæ in mari. Omnes enim guttæ maris finitæ sunt, & posset Deus dicere: tot sunt, & non plures: damnati vero sine fine erunt in inferno. Luctus bonus triplex est, scilicet luctus compunctionis, compassionis & deuotionis. De primo

in Psal. Lauabo per singulas noctes lectum meum &c. De luctu compassionis, Job 30. Flebam quondam super eo qui afflatus erat. Eccl. 22. Super mortuum plora, defecit enim lux eius. Et super fatuum plora, defecit sensu. Iere. 13. Plorans plorabit anima mea, & oculus meus educet lacrimam: quia captus est grex domini. Eiusdem 14. Deducat oculi mei lacrymam per noctem & diem &c. Thre. 2. Defecerunt pro lacrymis oculi mei super contritione populi mei. Eze. 32. Omnia luminaria celum mortuere faciam super te. Luctus deuotionis est, ut cum anima viri perfecti Dei dulcedinem experta, defler absentiam sponsi, quo ad sensum dulcedinis. Ber. ad fratres de monte Dei loquens de illo qui repellitur a lumine Dei ad quod admisus est. Si amat, inquit, flere, dulcia habet, & non sine multo gemitu cogitur redire ad conscientiam suam. Item luctus deuotionis est, qui est ex desiderio diuinae visionis. In Ps. Situit anima mea ad Deum fontem viuum &c. Fuerunt mihi lacrymæ meæ &c. Luctus etiam deuotionis est luctus quem habet anima viri perfecti ex magnitudine gaudij spiritualis. De luctu deuotionis intelligi potest illud Aug. in lib. de Ciuit. Dei. Quanto, inquit, est quisque sanctior & desideriis sanctis plenior: tanto eius in orando fletus vberior. Idem in lib. Soliloquiorum, Modum, inquit, vis habere lacrymas meas, quum miseria meæ modum non videam. Impatiens est amor: nec lacrymæ modus sit, nisi amori detur quod amatur. Luctus in differens est: ut luctus afflictionis temporalis, vel etiam gaudij. Tob. 11. Fleuerunt ambo cum gaudio. Genes. 43. Erumpabant lacrymæ, & inttoiens cubulum fleuit. Secundum glo. Luctus pro peccatis vel pro desiderio celesti, consolationem meretur: alius vero luctus non. Secundum Bern. Luctus eorum qui perseverantiam non habent, non meretur consolationem. Alios, inquit lugentes video: sed si de corda procederent lacrymæ: non tam facile illico soluerentur in riuim. Nunc autem quum abundantius otiosa & scutilla verba profluunt quam prius lacrymæ: lacrymas huiusmodi de his esse non arbitror quibus consolatio diuina promittitur: quandoquidem post illas tam facilè consolatio vilis admittitur.

Quare lugentes sint beati.

Circa tertium notandum quod prima & maxima causa quare lugentes sint beati, est quam dominus tangit, dicens: *Quia consolabuntur. Simile Luc 6. Beati qui nunc fletis, quia ridebitis.* Lugentes in futuro consolabuntur Dei visione, & etiam multis aliis modis. Esa. vlt. In Ierusalem consolabimini: videbitis, & gaudebit cor vestrum. Et Luc. 15. Dictum est diuini de Lazaro. Nunc

hic
teratur
Io. 1. I
scendi
versa
tum c
inqui
tuas
mibi
lacryma
sicut p
ignob
in gau
Luctu
leuatu
refecti
emanat
gaudi
nem
beari
quod
operat
memo
dum v
dis tui
tuz mi
& cog
& in hi
senties
circa in
minus
rum, &
pollic
logenti
lacrym

Et no
mo val
flendur
filias v
lios ve
hic

hic consolatur, tu vero cruciaris. Ioan.15. Tristitia vestra vertetur in gaudium, quod significavit aquae mutatio in vinum. Io.1. Ierem 31. Conuertam luctum eorum in gaudium. In praesenti etiam lugentes consolantur. Exod. cap.15. Aquæ Marath versæ sunt in dulcedinem. Tobiæ 8. Post lachrymationem & fletum exultationem infundis. August. in lib. Confes. Quantum, inquit, fleui in hymnis, & canticis tuis suauis sonantis ecclesiæ tuae vocibus commotus acriter, & currebant lachrymæ, & bene mihi erat cum eis. De tali qui habet abundantiam dulcium lacrymarum, verum est illud quod solet dici communiter: *Iste est sicut pisces qui natat in aqua.* De suavitate ista non gustat cor ignobile. Prover.14. Cor quod nouit amaritudinem animæ suæ, in gaudio eius non miscerbitur extraneus. Grego. in Moralibus. Luctu suo anima pascitur, quum ad superna gaudia flendo sublevatur. Et intus quidem doloris sui gemitum tolerat: sub co refectionis pabulum percipit, quo vis amoris per lacrymas emanat. Idem in eodem: *Fit plerunque ut in ipsis piis fletibus gaudi claritas erumpat, ut mēs quæ cœca iacuerat, ad inspectiōnem fulgoris intimi suspiriis vegetata conualefacat.* Aliud ad beatitudinem faciens in lugentibus luctu salubri potest esse, quod tales immunes sunt à tristitia huius seculi, quæ mortem operatur. 2. ad Corinth.7. Bernard. In omnibus operibus tuis memorare nouissima tua. Mortis horrorem, iudicij tremendum valde discrimen, ardoris gehennæ metum ab oculis cordis tui elongari nullatenus patiaris. Cogita peregrinationis tuæ miseriam, recogita annos tuos in amaritudine animæ tuæ, & cogita humanæ vitæ pericula: cogita fragilitatem propriæ, & in huiusmodi cogitatione si perseveraueris, dico tibi, parum senties quicquid foris videtur esse molestum, dum te toto corde circa inferiorem molestiam occupaueris. Sed nec patientur dominus sine cōsolatione te esse: quoniam est pater misericordiarum, & Deus totius cōsolationis. Et complebitur omnino quod pollicetur Veritas. Beati qui lugēt &c. ¶ Tertiō, ad beatitudinem lugentū facit, quod lacrymæ eos mūdant. Sunt & ceteri affectus lacrymarum, de quibus in earum commendatione dicetur.

¶ De commendatione lacrymarum.

Et notandum quod ad commendationem lacrymarum, Primo valere possunt exhortationes, quas scriptura sacra facit ad flendum. Iere.6. Luctum vnigeniti fac tibi. Eiusdem 9. Docete filias vestras lamentum. Luc.13. Super vosipſas flete & super filios vestros. Iacob.4. Miseri estote, & lugete. Eiusdem 5. Plorate

vlulantes in miseriis vestris. ¶ Secundo exempla, inter quæ p̄cipuū est exemplū Christi. Ber. Christus cōpatitur & plora: homo patitur, & ridebit. De luctu Christi habes ad Heb. 5. Cū clamore & lacrymis exauditus est pro sua reuercatia. Et Luc. 19. Videns ciuitatem fleuit super illā. & Io. 11. Et lacrymatus est Iesus. Primo fletu commendauit nobis fletum cōunctionis. Creditur enim fletum illum emisse in cruce. Crux verò statum penitentiae designat. In secundo, fletum compassionis. In tertio, fletum devotionis, quando fleuit Lazarū reuocatus ad præsentē miseriā. Ber. in Sermonib. Christū super Lazarum & super ciuitatem fleuisse, & in orationibus pernoctasse lego: risisse vero aut iocasse nunquam. Commendātur etiā lacrymæ exemplo Petri, Matth. 26. Egressus foras fleuit amarè. Hic. in epistolis: Petri ter negantem in locū suum amaræ restituere lacrymæ. Item exemplum Magdalenæ Lu. 7. Lacrymis cœpit rigare pedes eius. ¶ Tertio, ad cōmendationem lacrymarū potest locus valere in quo sumus. Aug. In valle miseriæ sumus, in qua eo magis flendum est, quo minus flemus. In Psal. Ascensiones in corde suo dispositi in valle lacrymarum. Ecclesi. 22. Musica in luctu importuna narratio. ¶ Quarto, tēpus in quo sumus. Eccle. 3. Tempus flendi, & tēpus ridendi. Tempus flēdi est in præsenti, ubi est multa materia fletus, & lacrymæ sunt in suo valore. Materia fletus sunt Dei iniuriæ & cōtumeliæ, strages animarū, incolatus præsencis miseriæ, dilatio patriæ. De multiplici materia fletus, require in tract. de luxuria, ca. de Chorēis. In futuro erit tēpus ridendi. Qui erūt in paradiſo, nō habebunt materiā fletus. In his verò qui erūt, in inferno lacrymæ nullius erunt valoris. Tunc absterget Deus omnem lacrymā ab oculis sanctorū. Apo. 7. Esa. 25. Auferet domin⁹ Deus omnem lacrymam ab omni facie: Ber. Felices lacrymæ quas manus cōditoris absterget. Tunc ridebit electi pleno ore. Iob 8. Deus non proiiciet simplicē nec porriget manū malignis, donec impletatur risu os tuū, & labia tua iubilo. Hic ridetur ore semper: quia hic impletur illud Pro. 14. R̄isus dolore miscebitur.

¶ De virtute lacrymarum.

De virtute lacrymarum, norandum est, quod lacrymæ primo animam mundant. Aqua etiam lacrymarum est velut mare æneum, in quo ingressuri tabernaculum vel templum, manus & pedes lauabant. Exo. vlt. Et 3. Reg. 7. Aqua etiam lacrymarum est lauatorium in clauſtro spirituali. Quasi aqua de pureo est, si lacrymæ veniant de profundo peccatorum. Et si sint pro propriis peccatis, tunc est puteus in ipso clauſtro. Si verò sunt pro pecca-

tis
tis a
qua
verò
patr
ego c
lacry
gis c
salua
diabo
Sedit
scien
essent
graph
erat, c
tulit c
gunt.
fernali
Contr
ram c
fons p
uersari
tation
ne me
tius f
quod
gue e
guatu
gorius
tingui
tia fu
lacrym
tor in
Bernar
mam i
vt bre
Moer
trant.
lāgit
Vidi la
cum la
tum. I

tis alienis, & nō pro propriis: tunc habet claustrum illud aquam quasi de alieno puteo, & videtur habere malum prouisorem. Si verò lacrymæ pro incolatu huius miseria vel pro dilatione patriæ, tunc est aqua quasi de fonte vino. Ioann. 4. Aqua quam ego dabo ei, fiet fons aquæ salientis in vitam æternam. Aqua lacrymarum, balneum est in quo abluitur animæ ut sp̄s regis cœlestis fiant. Iere. 4. Laua à malitia Ierusalem cor tuum, ut salua sis. Item lacrymæ delent literas mortis, quas qui peccat, diabolo scribit in anu propria in libro conscientiæ. Daniel. 7. Sedit iudicium, & libri aperti sunt. Libri, inquam, scilicet conscientiarum. Literæ istæ effusione proprij sanguinis delendæ essent, si aliter deleri non possent. Sic Christus deleuit chirographum nobis contrarium. Coloss. 2. Delēs quod aduersus nos erat, chirographi decreti, quod erat contrarium nobis, & ipsum tulit de medio, affigens illud cruci. Item diabolum submergunt. Aqua lacrymarum est quasi mare rubrum, ubi Pharaon infernalis eum exercitu vitiorum submergitur. Exod. 14. In Psal. Contribulasti capita draconum in aquis. Item lacrymæ terram cordis irrigant, & frœundant. Aqua lacrymarum est ut fons paradisi. Genesi. 2. Fons ascendebat de terra, irrigans universam superficiem terræ. Ecclesiast. 14. Rigabo horrem plantationis. In Psalm. Qui seminant in lacrymis, in exultatione metent. Item lacrymæ holocaustum impinguant. Gregorius super Ezechiel. Holocaustum aridum, est nouum opus quod orationis lacrymæ non infundunt. Holocaustum piague est bonum opus quod quum agitur, etiam lacrymis impinguatur. Item lacrymæ ardorem concupiscentiarum sedant. Gregorius in Moralib. Flammam suggestionum diaboli citius extinguit vnda lacrymarum. Si aliquis videat domum conscientię fuę igne concupiscentię succendi, recurrere debet ad aquam lacrymarum. Item mentem humiliant. Prouerbiorum 12. Mœtor in corde iusti humiliabit eum. Item mentem mitigant. Bernard. in Sermo. Equum indomitum flagella domant: animam immitem contritio spiritus & assiduitas lacrymarum. Et ut breuiter dicatur, omnē infirmitatem spiritualē sanant. Job 5. Miserentes erigit sospitate. Item à Deo quod homo vult impietant. 1. Reg. 1. Quum esset Anna amaro animo, oravit Deū, flens largiter, quæ à domino exaudita est. Esa. 38. dictum est Ezechia: Vidi lacrymam tuam, & ecce sanavi te. Tob. 3. Oravit Tobias cum lacrymis, & Sara similiter, & exauditæ sunt preces ambo. Iudith 8. Indulgentiam cies cum lacrymis postulemus.

In Psalm. Auribus percipe lacrymas meas. Aug. Quæ violentæ sunt in precibus. Itē Posuisti lacrymas meas in cōspectu tuo. Ie-
re. 31. In fletu venient, & in misericordia reducam eos. Christus cum lacrymis preces offerens exauditus est ad Hebr. 5. ¶ Item lacrymæ oculum cordis clarificant. Vnde aqua lacrymarum est natatoria Siloë. Ioan. 9. Abij in natatorium Siloë, & laui, & vidi. Grego. Mens lacrymis baptizata, in contemplatione videt lim-
pidius. Idem: Sēpe quod torpentes latuit, flentibus subtilius in-
notescit. Aqua lacrymarum est, collyrium visum iuuās. Apoc.,
Collyrio inunge oculos tuos, vt videoas. Item lacrymæ mentem eleuant. Genesi. 7. Multiplicatae sunt aquæ, & eleuauerunt arcam in sublime. Gregor. in Moralib. Quum per fletum mens ad sum-
ma rapitur, compunctionis lute pœnam gaudens miratur, & libet affligi, quia afflictione sua se conspicit ad alta subleuari.
Item lacrymæ vitam perditan reparant. Grego. Tempus redi-
mimus, quando antè actam vitam quam lasciuendo perdidimus, flēdo reparamus. Item regnum cælorum quasi quadam vi
obtinent. Grego. in Homil. Regnum cælorum rapi vult nostris
fletibus, q[uod] nostris meritis non debetur. Lacrymæ vt virtus ea-
rum breuib[us] verbis exprimatur, operantur in cælo, in terra,
& in inferno. In cælo, vnde Ecclesia. 35. Nōnne lacrymæ viduz
ad maxillam descendunt, & exclamatio eius super deducentem
eas? A maxilla enim ascendunt ad cælum. In terra operantur,
quum multiplices habeat effectus in hominibus, vt prius ostendit
est in inferno, quum ignem infernalem extinguant: quantu[m]
ad eum qui eas effundit. Item lacrymæ possunt in Deū in
angelos, in dæmones & homines. In Deū, dū eum quasi cogunt
ad miserandum. Vnde super illud Tob. 3. Tunc Tobias inge-
muit, & cœpit orare cum lacrymis. dicit glo. Oratio Deum le-
nit, lacryma cogit. Lacrymæ Deum faciunt quasi obliuisci in-
quitatum nostrarum. Lacrymæ etiam angelos laxificant. Luc^s. Gaudium est angelis Dei super uno peccatore pœnitentiam
agente. Secundum Bernard. Deliciae angelorum, sunt lacrymæ
pœnitentium. In dæmones possunt lacrymæ, cùm ab eis submer-
gantur, vt prius dictum est.

¶ De impedimentis lacrymarum.

Circa quartum notandum est, quod sex videntur esse impe-
dimenta lacrymarum. ¶ Primum est superbia, quæ est vt ter-
ra arens. Iosue 15. & Judith 1. Terram arentem dedisti mihi. In
Psal. Anima mea sicut terra sine aqua tibi. Humilitas est quasi
aqueductus per quem lacrymæ veniunt, quæ diabolus vult inci-
di.

di. Judith 7. Incidi præcipit Holofernes aquæ ductum. Ipsa est vallis ad quam descendunt aquæ lacrymarum. Secundum est, amor terrenorum. Vnde Cain interfecit Abel. Gene. 4. Cain interpretatur possesso: Abel, luctus. Genesi. 26. Omnes puteos quos foderant servi Abraham, obstruxerunt Palæstini impletos humo. ¶ Tertium est, durities sive impietas. Gene. 29. Os putrei grandi lapide claudebantur. Homines qui non habent pietatem ad proximum, non inuenient Deum sibi misericordem. Ideo corda eorum sunt ut petra durissima. Iob 12. Si continueris aquas, omnia siccabuntur. Ideo necesse est ut virga Dei percuterentur, ut aqua lacrymarum inde exiret. Deuteron. 8. Eduxit viuos viuos de petra durissima. Item in Psal. Percussit petram & fluxerunt aquæ &c. ¶ Quartum est, nimia occupatio. Genesi. 36. Ana inuenit aquas calidas, in solitudine. Esa. 22. Recedite à me, amarè flebo. ¶ Quintum est, ignoranria. Quod impedimentum tangit dominus Luc. 19. dicens: Si cognouisses, & tu, supple, aeres. ¶ Sextum est peccati magnitudo. Ber. in libro de consideratione: Si doles, cōdoleo, si non, doleo tantum & maximè sciens à salute longius absistere membrum quod obstupuit, & ægrum se sentientem periculosius laborare. Grego. in homil. loquens de Pharisæo & Magdalena & Christo: Inter duos ægros medicus aderat, sed unus æger in febre integrum sensum tenebat, alter vero in febre carnis & sensum perdiderat mentis. In ægritudine sensum perdiderat, qui hoc ipsum quod à salute longe esset ignorabat.

Coadaptatio luctus in donum scientie.

Circa quintum notandum, quod luctui adaptatur donū scientie. Vnde interl. Hi scientiæ spiritu illustratur, ut sciant quibus malis inuoluantur. Hanc adaptationem insinuat Salomō Ecc. 1. Qui addit inquit scientiā, addit & laborem, & nō potest homo scire quibus bonis vel malis sit in præsenti vita, & nō esse in luctu. Mala enim per se luctū inducūt, bona vero tēporalia causam luctus: id est, peccatum. Aug. Si bene est, tumes: si male, doles. Hanc adaptationē insinuat nobis ipsa natura. Ad id enim mēbrorum pertinent visus & luctus. Idem insinuat nobis Lucæ 19. Videns Iesus ciuitatem, fleuit super eam.

De Esurie Iusticie.

PARS VIII.

R Ecte post prædicta de Esurie Iusticie dicendū est, quia prædicta valent ad esurię iusticie. Humilitas quę ad paupertatē pertinet, valet ad hāc esurię quia humili sentit propriā vacuitatē; ideo esurit repletionem. Ecōtrario superbus qui habet vanā